



Број: 01/5-50-3-5-2/19

Сарајево, 15.1.2020.

ОРИЈЕНТАЦИОНИ РАДНИ ПЛАН

КОМИСИЈЕ ЗА САОБРАЋАЈ И КОМУНИКАЦИЈЕ ПРЕДСТАВНИЧКОГ ДОМА ЗА 2020. ГОДИНУ

Сарајево, јануар 2020. године

ORIJENTACIONI RADNI PLAN
KOMISIJE ZA SAOBRAĆAJ I KOMUNIKACIJE PREDSTAVNIČKOG DOMA
ZA 2020. GODINU

Uvod

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) pratit će i razmatrati određena pitanja iz svoje nadležnosti tako što će se odrediti o svakom konkretnom pitanju, vodeći računa o rokovima i kontinuitetu sjednica, te osigurati kvalitetnu pripremu rada i što efikasnije funkcioniranje Predstavničkog doma, a time i Parlamentarne skupštine BiH.

Djelokrug Komisije određen je članom 48. Poslovnika Predstavničkog doma Parlamentarne skupštine BiH (“Službeni glasnik BiH”, br. 79/14, 81/15, 97/15 i 78/19), prema kojem Komisija razmatra pitanja koja se odnose na:

- putne isprave;
- uspostavljanje i funkcioniranje zajedničkih i međunarodnih komunikacija;
- reguliranje međunarodnog i međuentitetskog saobraćaja;
- civilno zrakoplovstvo;
- informaciono-komunikacione tehnologije;
- i druga pitanja iz oblasti saobraćaja i komunikacija.

Obaveza izrade i dostavljanja orijentacionog radnog plana za sve komisije predviđena je članom 65. stav (2) Poslovnika Predstavničkog doma Parlamentarne skupštine Bosne i Hercegovine.

U Orijentacioni radni plan Komisije za 2020. godinu su uvršteni prijedlozi zakona, poslaničke inicijative i izvještaji o radu institucija iz nadležnosti Komisije koji se već nalaze u parlamentarnoj proceduri, kao i izvještaji o radu institucija iz 2019. godine.

Vijeće ministara BiH još nije dostavilo Parlamentarnoj skupštini BiH Program rada Vijeća ministara za 2020. godinu, tako da u Plan rada nisu uvršteni prijedlozi zakona iz nadležnosti Komisije koje Vijeće ministara BiH planira uputiti u parlamentarnu proceduru u 2020. godini.

Za uspješnu realizaciju Radnog plana potrebna je tehnička podrška, koju očekujemo od Sekretarijata Parlamentarne skupštine BiH, kao i dobra saradnja s institucijama u čijem djelokrugu su pitanja iz nadležnosti Komisije.

Plan rada je orijentacionog karaktera i ne isključuje druge aktivnosti Komisije za kojima se ukaže potreba.

PLAN RADA PO KVARTALIMA

JANUAR – MART

a) Zakonodavna aktivnost

1. Prijedlog zakona o elektronskoj identifikaciji i uslugama povjerenja za elektronske transakcije, predlagač: Vijeće ministara BiH;
2. Prijedlog zakona o izmjeni i dopunama Zakona o putnim ispravama Bosne i Hercegovine, predlagač: poslanik Damir Arnaut;
3. Razmatranje ostalih prijedloga zakona iz nadležnosti Komisije.

b) Poslaničke inicijative

1. Poslanička inicijativa Aide Baručije, koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine ('Službeni glasnik BiH', br. 79/14, 81/15 i 97/15), podnosim poslaničku inicijativu kojom se zadužuje Vijeće ministara da uradi analizu sigurnosti tehničke opremljenosti na željezničkim stanicama u Bosni i Hercegovini“;
2. Poslanička inicijativa Saše Magazinovića, koja glasi: „U skladu s članom 8. Poslovnika Predstavničkog doma Parlamentarne skupštine Bosne i Hercegovine ('Službeni glasnik BiH', br. 79/14, 81/15 i 97/15), podnosim poslaničku inicijativu kojom se Vijeće ministara BiH obavezuje da u roku od 30 dana donese dopunu Pravilnika o uslovima nabavke i načinu korištenja službenih vozila u institucijama Bosne i Hercegovine, na način da se propiše jasno označavanje službenih vozila naljepnicom ili na drugi odgovarajući način kako bi učesnicima u saobraćaju, kao i građanima bilo jasno vidljivo da se radi o službenom vozilu i kojoj instituciji pripada, a sve u svrhu sprečavanja zloupotreba korištenja“;
3. Poslanička inicijativa Damira Arnauta, koja glasi: „Na osnovu člana 8. Poslovnika Predstavničkog doma Parlamentarne skupštine Bosne i Hercegovine ('Službeni glasnik BiH', br. 79/14, 81/15, 97/15 i 78/19), podnosim poslaničku inicijativu kojom se od Ministarstva komunikacija i prometa BiH traži da pripremi i u proceduru dostavi izmjene i dopune Zakona o osnovama sigurnosti saobraćaja na putevima u Bosni i Hercegovini, kojim bi se značajno pooštrile sankcije za vozače motornih vozila u praktičnom upravljanju vozilom, kod kojih se utvrdi količina alkohola u krvi preko 1.5 g/kg (član 174. stav (2) Zakona)“.

c) Izvještaji o radu i finansijski planovi

1. Izvještaj o radu Vijeća ministara BiH za 2017. i 2018. godinu, u dijelu koji se odnosi na aktivnosti iz djelokruga Ministarstva komunikacija i prometa BiH;
2. Izvještaj o radu Vijeća ministara BiH za 2017. i 2018. godinu, u dijelu koji se odnosi na aktivnosti iz djelokruga Regulatorne agencije za komunikacije BiH;

3. Izvještaj o radu i poslovanju BHRT-a za 2017. i 2018. godinu i Izvještaj o realizaciji programskih planova BHRT za 2017. i 2018. godinu;
4. Finansijski plan BHRT-a za 2018. i 2019. godinu i planovi rada BHRT-a za 2018. i 2019. godinu;
5. Izvještaj o radu i finansijski izvještaj Agencije za poštanski saobraćaj BiH za 2018. godinu;
6. Izvještaj o radu Državne regulatorne komisije za električnu energiju za 2018. godinu;
7. Finansijski plan Državne regulatorne komisije za električnu energiju za 2019. i 2020. godinu.

c) Ostale aktivnosti

1. Izvještaj o radu Komisije u 2018. godini;
2. Orijentacioni radni plan Komisije za 2020.godinu;
3. Razmatranje ostalih akata - informacije, izvještaji i drugi akti iz nadležnosti Komisije.

APRIL - JUNI

a) Zakonodavna aktivnost

1. Razmatranje prijedloga zakona iz nadležnosti Komisije.

b) Izvještaji o radu i finansijski planovi

1. Izvještaj o radu Vijeća ministara BiH za 2019. godinu, u dijelu koji se odnosi na aktivnosti iz djelokruga Ministarstva komunikacija i prometa BiH;
2. Izvještaj o radu Vijeća ministara BiH za 2019. godinu, u dijelu koji se odnosi na aktivnosti iz djelokruga Regulatorne agencije za komunikacije BiH;
3. Izvještaj o radu i finansijski izvještaj Agencije za poštanski saobraćaj BiH za 2019. godinu;
4. Izvještaj o radu Državne regulatorne komisije za električnu energiju za 2019. godinu.

c) Ostale aktivnosti

Razmatranje ostalih akata - informacije, izvještaji i drugi akti iz nadležnosti Komisije.

JULI – SEPTEMBAR

a) Zakonodavna aktivnost

Razmatranje prijedloga zakona iz nadležnosti Komisije.

b) Izvještaji o radu i finansijski planovi

1. Izvještaj o radu i poslovanju BHRT-a za 2019. godinu i Izvještaj o realizaciji programskih planova BHRT za 2019. godinu;
2. Finansijski plan BHRT-a i planovi rada BHRT-a za 2020. godinu;
3. Finansijski plan Državne regulatorne komisije za električnu energiju za 2021. godinu.

c) Ostale aktivnosti

Razmatranje ostalih akata - informacije, izvještaji i drugi akti iz nadležnosti Komisije.

OKTOBAR – DECEMBAR

a) Zakonodavna aktivnost

Razmatranje prijedloga zakona iz nadležnosti Komisije.

b) Ostale aktivnosti

Razmatranje ostalih akata - informacije, izvještaji i drugi akti iz nadležnosti Komisije.

Konferencije i seminari u Bosni i Hercegovini

Šesti energetska samit u Bosni i Hercegovini, organizator USAID - projekat Investiranje u sektor energije (EIA), Neum, mart 2020.

Međunarodne aktivnosti

Članovi Komisije učestvovat će na konferencijama i seminarima iz oblasti koje su u nadležnosti Komisije.

Rezime

Komisija za saobraćaj i komunikacije nastojat će u potpunosti realizirati planirane aktivnosti.

Komisija će nastaviti dosadašnju dobru saradnju s Ministarstvom komunikacija i prometa BiH, kao i s drugim institucijama Bosne i Hercegovine.

Nove obaveze koje se mogu pojaviti, prije svega prijedlozi zakona iz nadležnosti Komisije i inicijative ovlaštenih predlagača, bit će blagovremeno razmatrane na sjednicama Komisije.

PREDSJEDAVAJUĆI KOMISIJE
Nenad Nešić